

豐咸

安順府志

(一)

清·常恩 修 鄒漢勳 吳寅邦 纂

咸豐元年刻本 五十四卷首一卷

序

竊謂得春秋之綱領者。惟史。得春秋之條目者。惟志。要皆取其精義。使後鑑觀。作為懲創。其法蓋同。而史意重褒貶。致民心大畏。而不敢為。志意在旌揚。使民志欣向。而日遷於善。教則各異也。至其親切使人肯信。近徵使人欲聽者。莫如志。乘一書。蓋祖傳孫父。詔子。口授指畫。雖代遠年多。而熟聞如親也。予先大父官地方時。即以其都邑之志。乘訓示其民人。而民人嚮唯唯弗倦。初以此不過教民一術。不意期月之間。而風氣一變。自是移他邦。每尋其志。以教。皆有異效。及先君出治海閩。法此意。訓士卒。覺志

安順府志

卷序

直有勇知方。何其速也。蓋習見素聞。今忽啓其良知。亦遂敦其良能。有若非教所及者。丁未春承

簡

命來守是邦。欲遵先意。勸諭斯民。而志闕焉。因集紳耆。採擇

成志。將有頭緒。而量移黎陽。遂止。越年已酉春旋。而曉瞻張先生。因憂回籍。臨清式盧。幸重遇焉。與談時政。亦以此為急務。即解囊金二百。以為捐倡。並指點訪修諸人。蓋先生幼覽羣史。及博物諸志。長撰纂修。考古知人者也。予故誠信不疑。而諸人又皆斟酌疑信。不蔓不支。更與寅友會議商訂。匝月遂成。其中不免挂漏。恐似前番遷變放廢。故草付刻。以圖終局。厚望。大筆臨斯。裁成而擴充之。猶

有愚意。以志議宜。法史筆。但史之立義嚴。而志紀事實。法史之過嚴。則刻因俗之過寬。則濫。其何以不刻不濫。而合於中庸之道也乎。統俟後之君子。更希諒其拙也。咸豐辛亥年長白常恩謹序

安順府志

卷序

二

序

黔之屬凡十二府一直隸州三直隸縣東西率介楚滇南北率介粵蜀獨安順四竟皆介黔壤在黔實爲腹地山脈發自滇中逶迤重沓岡嶺險阻至此而開盤江延江左右環注氣候溫和無大寒暑墳壤膏沃五穀蕃殖閭閻櫛比商賈輻湊繇楚適滇者必道焉而北控印笮南通桂林並城適中力咸足以相及故其爲黔之重土幾與會垣等我朝設提督以駐守其地外列四鎮相爲犄角其距省也裁二百里而近文書期會晨發夕報蓋當時所以控制蠻服者其意爲已深矣黔自通志外舊志乘近年始有郡邑志

安順府志

卷首 序三

之刻而安順猶闕焉長白常君沛霖守是邦慨然曰是余之責也於是發凡起例諏事徵文不替月而書成余讀其槩本自地域廣輪山川形勢以及關津郵置靡不詳也自官司善政俊民耆德以及物產風俗靡不載也而地之華離者別之以圖彈丸黑子表以白書此又圖繪之規格足以爲式者也若夫民夷襍居於野於是乎有稽覈之要有威信之施使民與夷相安兵民襍居於廛市於是乎有整齊之法有輯睦之教使兵與民相安是在斟酌之得宜焉耳後之守土者覽是編也可以知所從事矣爰爲序而歸之而并著其地之重以爲采風者告焉咸豐元年七月

貴州學政右春坊右中允常惻翁同書序

安順府志

卷首 序三

序

安順爲黔之腹滇之喉粵蜀之肩齒其疆域錯出牂柯夜
郎之交其星野上分參井輿鬼之次其民華夷雜處其官
土流並設其山之阨塞要害者以百數而關索爲最險其
水之屈盤結轄者以什數而盤江爲最大在晉爲興古郡
在唐爲羅甸國在宋爲普里部於元大德中隸雲南於明
洪武中隸四川於正統中改隸貴州初置州尋隸衛後乃
升爲府今則一大都會也蓋自前明征南都指揮顧成平
定以來闢其荆棘草萊築建城堡迄今五百有餘歲矣其
間蛇豕踞蟠蜂螫羊螫若孫可望李本深隴安藩之徒民
安順府志

卷首

序四

之破其蹂躪剝屠者何可勝數而今且戶口殷繁郵亭
謐澗之塢壁化爲隴畦膏林盡立室家民耆老不見兵革
惟經營其衣食蕃育其子孫則我
國家休養生息之久乃臻斯盛也式芬嘗繙郭青螺黔記曰
山苗黔書欲藉以周知是邦山川形勝與夫民生登耗物
力盈虛以權其緩急輕重庶不負

天子屏藩甸宣之

命而一書頗有缺畧亦無能道其詳者值常浦霖太守糾安順
府志告成舉以相質式芬固喜其士傳德量先時風淳俗
晏如上和親康樂安平之書則又喟然嘆士大夫身爲司

牧坐享太平其風流自詡耗餘日於詩酒琴奕遊覽者爲
可惜也而太守乃周咨博訪極閭閻之米鹽涖雜雞豚
悉無不詳則其平日之留心利病可見已卷凡五十四篇
納九爲目七十有七沿革建置賅備於風土物宜加詳焉
敬序而還之

咸豐元年四月下泮無棣吳式芬謹撰

安順府志

卷首

序四

二

序

志書何爲而作也所以紀輿圖之廣狹山川之靈秀財賦之贏絀與夫士馬甲兵風俗人才備輶軒之採擇以爲治術之神益也貴州居邊徼之地僻處西南然襟帶楚粵控制滇蜀四達不悖其咽喉則鎮遠其脊背則安順也安順府元爲習安州明爲安順州昔嘗議立省會於此因上之輕重不及貴陽後遂移提督駐之以鎮盤江誠黔中一要郡哉居民蜂屯蟻雜夷漢錯處日其間夷溪瘴嶺鳥道羊腸盤曲紆回時有通民苗獍之徒劫掠仇殺出沒竄匿於其中爲俗輕浮獷悍樂則狙喜怒則狼噬一飲啄之微器安順府志

卷首 序

御說

去分野於職官人物列女諸志則標懿行闡盛德事之關於政迹者詳而弗略於地理則一山一水西陌東阡尤必考核精詳不使稍有混擾其所以慎封守飭固圉培風化育人材者不亦思深而意長乎昔吾鄉田山藎先生撰紀其風土著黔書一卷長白變先生踵其後復作

南談略三十二卷二書皆有資於治術爲可事之師今之爲是書也毋亦可以後先媲美歟余學識謏陋今春奉

天子

命秉臬來黔休政之暇與太守相接溫文爾雅藹然有儒者風及詢以政事侃侃焉如燭照數計非留心政治者不能如是也又出是編相質見其審地利察人情所以致治而防弊者至詳且盡則太守英偉之資深沉之識可覩其底蘊豈獨文章藻麗云乎哉夫良民安則秀民自興政平訟理胥於是肇其基安順難治否乎豈僅治安順云乎吾是以樂爲之序

咸豐元年四月下澣東魯孔慶鋤謹撰

安順府志

卷首 序五

二

安順府志纂輯銜名

鑒定

兵部尚書兼都察院右都御史雲貴總督吳文鎔
太子少傅兵部侍郎兼都察院右副都御史貴州巡撫喬用選
提督貴州學政事武毅侯參政同書
貴州等處承宣布政使司布政使吳式芬
貴州等處提刑按察使司按察使孔慶鋤
督理貴州通省清軍糧儲兼巡陽等處兵備道孫起端
貴州分巡貴西威甯等處兵備道福連
總纂

安順府志

卷首 銜名

特授貴州安順府知府常恩

總修

廩膳生鄒漢勳

丁酉科拔貢候選直隸州判吳寅邦

分修

兼採訪叅訂增廣生員劉起春

五品銜張懋德

丁酉科舉人候補教諭段炳然

辛卯科舉人候補教諭白玉珍

庚子科副榜候選直隸州判何官鄧

協議

同知銜前署普定縣知縣魏承祝

采輯

郎岱同知許大綸

署歸化通判謝人龍

署鎮甯州知州石均

永甯州知州陳鏊

署普定縣知縣陳炳煜

特用知州普定縣知縣邵鴻儒

安平縣知縣王敬烈

安順府志卷首 銜名

署清鎮縣知縣王承淮

校對

安順府教授授翟煜觀

前任雲南州判朱之鎔

採訪

戊子科舉人永從縣教諭劉慶臻

甲午科舉人定番州訓導張煌

戊子科舉人余超漢

巳亥科舉人李夢筆

戊寅科副榜候選教諭楊春發

乙酉科拔貢梅克薰普定人

恩貢候選教諭吳澤遜安順人

丁酉科拔貢候選教諭劉綸勳普定人

歲貢候選訓導陳鑑清鎮甯人

歲貢候選訓導范宜春鎮甯人

廩貢候補訓導萬春芳永甯人

生員議叙八品楊燮珍普定人

生員議叙八品齊燮潤普定人

議叙八品楊春魁安順人

廩生顧汝明安順人

安順府志
卷首
銜名

生員呂鼎琛普定人

生員劉芳安順人

生員李錦屏安順人

廩生鄧福謙清鎮人

生員楊作舟清鎮人

生員杜燾清鎮人

廩生周錫齡安順人

生員張慶雲安平人

生員唐澤沛安順人

生員曾步孔安順人

生員陸有光普定人

生員孫漸達安順人

監生朱炳煜清鎮人

監生陸尙卿歸化人

監生周廷夔歸化人

監生陸際雲歸化人

從九谷培業歸化人

從九金鼎新歸化人

從九熊開祥歸化人

從九楊金榜歸化人

安順府志
卷首
銜名

從九鄭尙華歸化人

工膳寫房書吏方熙廷

刻工錢楨

鍾茂林

安順府志

凡例

一是書分綱列目。遵通志而變通之。爲綱九。爲目七十有七。增立紀事志一綱。以安郡原無志乘。藉以搜羅往事也。郡城多武功。故人物內增之。並列善行耆壽二目。亦所以廣教化。其餘皆以類附。至恭代之字。則仿大定志云。

一是書於地理。職官。人物。列女。營建。紀事。各志。特爲加意。地理則尤加詳悉。以其切於政治故也。職官人物之傳。則列於本卷後。非特以便翻閱。亦以重有裨教化之文。

安順府志

卷首

凡例

至藝文十一卷。皆取有關文獻者登之。咏景物者。間登數作。而割愛者多。志乘之修。所重者在。植綱常。闡揚教化。非衡文藝也。

一大定府志所傳名宦鄉賢等。均係身故者。惟仰邀

旌典

之節婦孝子。不在此例。而節婦則博採而備錄之。至著作

名家。現在者皆行登載。茲書仿之。庶公是公非。可存直道。

一安順五百年來。舊無志乘。余丁未至郡。卽存創修之念。

然下車伊始。疆域未悉其廣狹。風俗未悉其厚薄。紳耆未知其爲人。用是默爲考究。識之於心。迨至黎陽回任。

遂倡議此舉。於是屬拔萃吳寅邦董其事。延湖南鄒君漢勛酌定體例。彙卷分目。余爲之詳加批閱。雖一山一水。不敢憚煩。至於見聞或有遺漏。僻壤或有未周。是所望於後之君子。

安順府志

卷首

凡例

二

安順府志目錄

卷首 序

職名 凡例 目錄

恩代修衡州縣志姓氏

卷之一

天文志 分星

卷之二

地理志

會典輿圖

通志輿圖

新圖

卷之三

地理志 沿革

卷之四

地理志

府親轄疆里村寨

安順府志

卷首

目錄

卷之五

地理志

即岱歸化鎮甯疆里村寨

卷之六

地理志

永甯普定疆里村寨

卷之七

地理志

安平清鎮疆里村寨

卷之八

地理志

山上 安順即岱歸化鎮甯

卷之九

地理志

山下 永甯普定安平清鎮

卷之十

地理志 水

卷之十一

地理志 水道考

卷之十二

地理志

古蹟

城部哨所營壘署碑
石泉橋井鐘渡像墓

卷之十三

地理志 關路津梁

卷之十四

地理志 氣候增驗

安順府志

卷首

目錄

卷之十五

地理志

風俗 附方言 苗俗 夷語

卷之十六

地理志

形勝 附八景

卷之十七

地理志

物產 通產 專產

卷之十八

營建志

城郭 官署 學校 先賢先儒本坊表 寺庵 安順普定

卷之十九

營建志

即岱歸化鎮甯 目同上

卷之二十

營建志 永甯安平清鎮 目同上

卷之二十一

志 紀年 牂柯夜郎二國本末

卷之二十二

紀事志 紀事 牂柯夜郎二郡本末 唐宋刻 功清四州本末 普里本末

卷之二十三

紀事志 紀事 安順置郡本末

卷之二十四

經制志 賦稅上

安順府志

卷首 目錄

卷之二十五

經制志 賦稅下

卷之二十六

經制志 起運存留之籍 戶口 積貯 郵政

卷之二十七

經制志 官制 學制 兵制 驛制

卷之二十八

職官志 文職官譜 附衛

卷之二十九

職官志 漢晉唐 元 名宦傳

卷之三十一

職官志 明名宦傳

卷之三十二

職官志 國朝名宦 總部傳

卷之三十三

職官志 國朝名宦 分部傳

卷之三十四

職官志 國朝武名宦譜 附傳 紀略

卷之三十五

人物志 文選舉譜 進士 舉人 孝義 四

安順府志

卷首 目錄

卷之三十六

人物志 武選舉譜 附進士 武舉 行伍 附歷代置科本末

卷之三十七

人物志 鄉賢 鄉達 忠烈 孝義 義學 武功 善行 耆壽 隱逸 流寓 方技 安順即岱歸化

卷之三十八

人物志 鎮甯永甯 目同上

卷之三十九

人物志 普定安平清鎮 目同上

卷之四十

人物志 普定安平清鎮 目同上

列女志 節孝貞烈詩譜府屬

卷之四十

列女志 卽俗鎮甯永甯譜

卷之四十一

列女志 普定安平清鎮譜

卷之四十二

列女志 節傳

卷之四十三

列女志 孝傳 烈傳 貞傳 賢媛傳

卷之四十四

安順府志

卷首 目錄

五

藝文志 敕疏

卷之四十五

藝文志 教文移 書稟

卷之四十六

藝文志 論說攷辨解

卷之四十七

藝文志 記一

卷之四十八

藝文志 記二

卷之四十九

藝文志 記三

卷之五十

藝文志 記四

卷之五十一

藝文志 序

卷之五十二

藝文志 跋書後引啓銘墓表賦

卷之五十三

藝文志 詩上

卷之五十四

安順府志

卷首 目錄

六

藝文志 詩下 跋二首

歷代修衛州縣志姓氏

汪大章

明晉定衛人纂修本衛志見通志書今已無

謝廷薰

清陽人舉人永甯訓導乾隆間創修永甯志成稿入卷未刊

黃培杰

浙江人舉人永甯州知州道光十六年纂修永甯志書成

楊燮

遵義人永甯訓導分修州志

修武謨

永甯州人舉人分修州志

沈宗濤

永甯州人副榜分修州志

盧大濟

湖廣沔陽人任安平衛守備康熙間創修安平縣志成稿流交後任

黃亮

漢川人進士任安平縣志流交後任

徐玉章

浙江人舉人任安平縣續修志稿七十二篇有序未刊流交後任

安順府志

卷首

歷代修志姓氏

劉祖憲

福建閩清人舉人安平縣知縣道光八年纂修安平志刊成

何思貴

黔西州人舉人分修安平志

羅國良

安平訓導分修安平志

黃恩培

安平縣人進士龍游知縣分修邑志

黃榮

安平縣人舉人都勻府教授分修邑志

安順府志卷之一

天文志分星序

安順分星之說通志所載已經前哲定論茲復錄列各說統爲一篇而採卽岱一篇附之以俟賢者之折衷志分星

安順府志

卷一 序

一

安順府志卷之一

知安順府事長白常恩纂

天文志

分星

分星之說前人往往致疑而牂柯一郡尤多歧論晉書天文志云魏太史令陳卓言郡國所入宿度范蠡鬼谷先生張良諸葛亮譙周京房張衡並云牂柯入參五度隋書地理志云梁州於天官上應參之宿牂柯郡屬梁州是謂牂柯直參也其說一漢書地理志云秦地於天官東井輿鬼之分野也其界自宏農故關以西西南有巴蜀廣漢犍爲

安順府志

卷一

天文

二

武都又西南有牂柯越犍益州皆宜屬焉華陽國志云牂柯上值天井故多水涼唐書天文志云東井據百川上流故牂首爲秦蜀墟得兩成山河之首又云東井輿鬼鶉首也初東井十二度餘二千一百七十二秒十五太中東井二十七度終柳六度自漢三輔及北地上郡安定西自隴坻至河右西南盡巴蜀漢中之地及西南夷犍爲越犍益州郡極南河之表東至牂柯地理志云劍南道蓋古梁州之域漢蜀郡廣漢犍爲越犍益州牂柯巴郡之地總爲鶉首大明清類分野書云井九度至柳三度鶉首之次雲南布政司所屬皆井鬼分

按是書成於洪武十七年時普定府屬雲南明沈思充

貴州通志云貴陽都勻石阡思南四府宣慰司及定番安

順鎮甯永甯普安五州貴前威清平壩普定安莊安南普

安畢節烏撒赤水龍里新添平越清平興隆都勻一十六

衛普市黃平二所俱井鬼分鎮遠銅仁思州黎平四府俱

柳星之餘其說二明一統志云貴州宣慰司參井分野普

安州井鬼分銅仁府星分野黎平興軫之餘謝東山貴州

通志云宣慰司貴州衛前衛龍里新添平越清平興隆威

清平壩普定安莊安南普安畢節烏撒赤水等十六衛俱

參井都勻府程番府永甯鎮甯安順普安四州俱參井之

餘思州鎮遠思南石阡銅仁黎平俱興軫之餘衛既齊康

安順府志

卷一

天文

三

熙貴州通志張廣泗乾隆貴州通志皆以普安安順爲參井之餘其說二明郭子章黔記云黔地連楚蜀總之不出鶉首鶉火鶉尾之次

國

朝徐發大元歷理云漢沔以南巴蜀功竿以至瀉雲交緬

實翼軫分楚之支也又曰夔辰銅仁思州鎮遠思南黎平

播都勻貴陽普安尋甸曲靖雲南潞江臨安新化敘馬湖

武定沅江姚安雄崇化景東鎮沅順甯大理永昌騰越鎮

康木邦交州南甸占城緬甸皆翼軫鶉尾之分此則以滇

黔爲鶉尾之分其說四雲南通志云分野之說雖原於周

宮春秋左氏傳然其說難徵信周天三百六十度包大地

之外中國安能盡分二十八宿况

本朝幅員廣遠古分野僅及其半其餘分野所不及者又若之何我

高宗純皇帝聰明天縱著論力闢分野之謬於熱河志中竟芟去

此門實高出尋常萬萬又云

大清一統志成於乾隆二十九年編纂之時尚沿舊說仍列

分野一門伏讀乾隆二十九年

御製題毛晃禹貢指南詩注分野之說本不足信而災祥鄰於誠

緯皆非正道迨乾隆四十六年

欽定熱河志遂去此門數千年勦說一日廓清殆不啻如日月

安順府志

卷一

天文

四

中矣由是言之則分野之說不論可也或曰牂柯爲參分之說出於陳卓卓又本之范蠡鬼谷等七家范蠡鬼谷當春秋之末七國之初安得有諸郡國名必僞託也隋書左傳詩推度災淮南子史記皆以爲晉秦惟元命苞及史記別章以爲益州漢張衡議緯謂不宜有益州卽曰元命苞也李淳風十二國分野亦以益州爲益州洪邁議之曰自畢至東井爲實沈於辰在申魏之分也屬益州魏於晉地得河內河東數十縣於益州不相干謬亂如此而出於李淳風之手豈非蔽於天而不知地乎是則以參屬益州者前人已駁之矣陳卓所據七家蓋卽漢代世輿之記度

成所謂非古數者也故謬亂如此攷漢書藝文志五行家

有堪輿金匱當卽其書蓋術士之言也若班固之以爲井

鬼分則以牂柯越屬益州三郡與蜀連壤以意推之耳其

辭固曰又有牂柯越屬益州三郡宜屬焉則揣測而未定

之語也僧一行爲兩戒之說卽奉其言爲定論政恐是燕

說耳蓋三郡本無成說分星之書又久亡漢代卽各以意

說故參差耳近世參井兩屬之說則班陳李張四家之調

人也徐發之論大判以中岳嵩山爲中而均分十二方因

以命雲貴爲鶉火其餘諸國之倒置者各有攷證書雖晚

出然能條貫成說不可厚非也貴陽府志曰徐圖臣以嵩

安順府志

卷一

天文

五

高爲中按之地形不若以五行爲確周公嘗曰五行山天下之中也圖臣以鶉尾爲滇黔分差一次軫不得爲長沙吳不得有烏衡之占五行者大行也在今河內之東北陵川之東南修武之西北以此爲中而均布之直之而南者爲鶉尾德安沔陽長沙以西是也皆爲楚地直之而西南者爲懷慶河南二府及南陽之西境於陝西得興安府商州於湖北得鄖陽施南二府及宜昌之西境於四川得夔州綏定順慶嘉定冕甯敘州重慶諸府敘永雷波戛邊馬邊諸廳瀘資西陽諸州於廣西得泗城而雲貴則自思南石阡平越貴陽迤而西俱鶉火云

原注按惟分星之法先爲坤圓象地畫南北

赤道三百六十經緯度而後以今天下府廳州縣極高偏
西度分級之於渾圓上而後以河內縣大行山爲中又依
例分十二次與經傳所言分星無不昭合惟奎婁魯分正
之以推度災實詩唐國之分所云魯者蓋字之假借斗
牛與分正之以推度災實衡之分其所云與者蓋魯之假
借山海經云雷澤在吳西亦假與爲魯也尾箕燕分正之
以推度災實鄺國之分所謂燕者南燕也推度災元命苞
皆謂書同起於六國之末秦漢之初而推度災之說有理
可推元命苞之說多乖判故宜以推度災爲確也然相承
以來數千年皆用元命苞不用推度災甚矣識眞者之寡
也惟張平子鄭康成洪容齋能致疑其說雖辨然亦燭火
於元命苞蓋三人者知天氣知地云其說雖辨然亦燭火
也此外復有北斗三台應九州十幹應十國十二支應十

安順府志

卷一

天文

六

郎岱星野志曰

地有分土天不能無分星周禮保章氏以星土辨九州而
上稽躔度以占休咎此星野之所宜分也按郭子章黔記
云黔實近荆州屬柳鬼似近之而謝東山志又以爲分參
井之餘衛撫軍既齊張制軍廣泗新舊通志俱從之蓋自
平越以上凡安順興義大定遵義地皆在未申星皆分參
井郎岱在安順之西相距僅一百八十里豈能出參井外
哉或曰參井本屬周秦韓魏分野然天有十二次地有十
二辰天度有差地度萬古不動計夏禹八年甲子至今道
光三十年共四千零七年已石差五十餘度今之參井非

昔日之參井矣今推查地圖黔在丁宮右五分安順郎岱
房丁宮四分之餘畧居于左七分之餘以天度之差數推
之昔在參井度中今則當在柳星十二度中謹附之以俟
攷

安順府志

卷一

天文

安順府輿圖則例

大清會典之輿圖繪水道貴州通志輿圖加以山他如各府州縣及外省志中地圖搜羅而詳閱之數十圖中各有所長茲仿遵義加以方格而取材於各圖之所長者以符萃成圖方格以紅印板套之清眉目也城池塘汛舖等字以紅字別之城用黑口圖塘用小紅口圖汛用小紅口圖重官地也界用紅單線界中有雜外屬者擇其要地一二處以黑印陰文別之正疆界也綠雙線爲水水源線合水止而伏或入洞則線頭用一水行出界則線口用分通衢之橋以紅二字跨之渡以紅斜字穿之海子大潭則用綠圈山用△

安順府志

卷之二 則例

一

出界大山則用連△路則於各圖中僅以黑點計大道如正方十里斜角十三里餘此爲道直路也人行路則有紆曲計圖縮而計里盈可以見山川之阻深焉是圖也實仰惟

大公祖嘉惠地方之意半年以來參互攷訂凡命例取材授之於採訪劉起春已成圖稿矣猶慮其未詳也迺奉

大公祖二次札派繪圖寅邦十餘日而還起春則山嶺水

溪苗寨獮村露宿草行者四十八日安順普定之地足跡所不到者鮮矣迺敢釐定成圖而於外屬州縣亦分而圖之先繪總輿圖一張復繪山水總圖一張庶分疆畫里

流溯源可一覽而備云

之圖子小